



EUROPEISKA UNIONEN
Europeiska regionala
utvecklingsfonden



**INTERREG
IV | A NORD SÁPMI**

Resolusjávnná

SPRa nuorajkonferensas Liksjuon 2008 gálgádismáno 2-5.b.

SPRa nuorajkonferensan Liksjuon 2008 gálgádismánon 2-5.b. tjadáduváj átsádibme juogosbargo hámen manna konferänssa ávdđágáváv vuosedij makkir hásstálasá sámesiebrre duosstu. Mij sámenuora Vuonan, Svierigin, Suoman ja Gárjjelin hábbmip ietjama vuojnojt boahttebuolvajda.

Mij sámenuora adnep ájnas la dahkat gávnadimsajjt gájkka nuorra sámijda. Midjij ij la rijkkagullum náv ájnas . Juska vil viessop Vuonan, Svierigin. Suoman jali Gárjjelin gullup avtagasj álm mugij. Sihtap danen dieddelit bargo ájnasvuodav gájkkasáme organisasjávnnáv vuododimijn ja aktisasj vuodon gájkka sámenuorajda. Bádtjip danen SPRav ájnas vuorodimev dán ássjáj vaddet.

Konferensan lidjin guokta hárrjidusá, majna mij juohkusij ságastalájma ássjijt ma lidjin ávdđála dagádum. Mij nuora ietjama vuojnov vattijma maj Sámedikke bierriji barggat. Giehtadalájma ássjijt bv. áhpadus, giella, ja virtuella gávnadimsaje. Oajvvadijma konkrehtalasj dagojt bv. stipendajt sáme áhpadiddjeohppijda, kvoterimav áhpadushoajdon, aktisasj giellasajjt ja sáme sosiálalasj gávnadimsajev internehtan. Inep diedoijt utdrag hámen ságastallamijs gávnnuji tjuovvotjállagin dán resolusjávnnáj.

Állu ájnnašamos ássje mij la konferänssasebrulattjat miellodam la tema psykalasj varresvuohta . Mij lip suorggiduvvam duollavuoda birra muhtem nuorra sáme náv hájesvuodav dábdđi vaj válljij ietjasa sármmit. Konferensan lidjin lágáldalle gudi giehttun gáktu sij guhka ájgev lidjin hájen ja gáktu sij viehkev oadtjun. Ássjedábdde lágáldallin aj ássjen, i.s. psykologa. Dieddelin ájnasvuodav duosstat ságastit lagámusáj, valla aj gelbulasj viehkev áhtsát. Ássje dagáj stuorra ármesvuodav sebrulattjajn. Iesjsármim ja hájesvuohta l guhka ájgev árrum ja vilá l tabuabájnedum ássje man birra l gássjel ságastit. Mijá vuojno milta lij ájnnašamos gássjelisvuohta giehtadaláduvaj. Vuorbástuvájma ássje birra duodalattjat ságastit. Mijá vuojno milta l ájnas gelbulasj viehkijn gejn li dábdđo sáme kultuvran, i.s. boatsojäládus ja ietjá sámeäládusá.

Psykalasj nievredum varresvuohta háhttu árrót guovddelis Sámedikkij bargon. Sámedikke bierriji barggat vuododittjat gelbulasj dárja sámehámiijt sámijda gudi dajs boahttuji